

Anketiranje stanovništva u pogledu COVID-19 vakcine


Odjeljenje za zdravstvo, Vlade Brčko distrikta je sprovelo istraživanje stanovništva Brčko distrikta BiH povodom vakcina namijenjeni protiv COVID-19 virusa. U tu svrhu je napravljena anketa koja je bila dostupna stanovništvu od 08.02. od 21.02.2021. godine. Stanovništvo je upoznato putem javnih medija o anketi. Anketa je postavljena na Google forms. Anketa je sadržavala 10 pitanja, od toga je pet pitanja bilo vezano za obilježja stanovništva Brčko distrikta BiH, dok je pet pitanja vezano za vakcine protiv virusa COVID-19. Dobiveni su sljedeći rezultati:

Anketi je pristupilo 1310 stanovnika Brčko distrikta BiH. Od toga je 704 stanovnika ženskog spola dok je 606 muškog spola. Posmatrajući stepen obrazovanja najviše ispitanika je visoko obrazovanih i to 46,6% ispitanika, potom slijedi ispitanici sa srednjoškolskim obrazovanjem i to 42%, sa magisterijem i doktoratom je zastupljeno 9% ispitanika, dok 2,4% ispitanika ima niže obrazovanje.

Kada se posmatra starosna struktura najviše je zastupljeno stanovništva koji imaju između 18 i 30 godina i to 34,6%, potom slijedi 29,2% stanovništva koje ima između 31 i 40 godina, 19,1% stanovništva ima između 41 i 50 godina, 13,4% ispitanika ima između 51 i 65 godina, dok 3,7% ispitanika ima preko 65 godina. Posmatrajući radni status ispitanika najviše je zaposlenih u privatnom sektoru i to 32,9%, potom slijede zaposlenici u državnom sektoru i to 30,3%, ispitanici koji su nezaposleni su zastupljeni sa 20,5%, učenici i studeni su zastupljeni sa 10,3% dok se najmanje ispitanika penzionera i to 5,9%.

Na pitanje da li ćete se vakcinisati dobijeni su rezultati koji su predstavljeni na slici 1. Na ovo pitanje je najviše bilo pozitivnih odgovora i to **46,5%** ispitanika je reklo da će se vakcinisati, 26,8% ispitanika je reklo da se neće vakcinisati, međutim 17% ispitanika je reklo da će se vakcinisati samo ako budu morali. Ovo dovodi do postotka od **43,8%** ispitanika koji se neće vakcinisati, dok je 9,7% ispitanika još neodlučno.

Slika 1. Rezultati dobijeni na pitanje da li ćete se vakcinisati.




Prilikom izbora motiva za vakcinaciju najviše je ispitanika zabrinuto za očuvanje zdravlja i zaštite od virusa COVID-19 i to je izjavilo 56,7% ispitanika potom slijedi motiv sticanja kolektivnog imuniteta i sprečavanje širenja zaraze koje je 44,5% ispitanika izjavilo, mogućnost

putovanje i izbjegavanje „travel ban“ je izjavilo 37,4% ispitanika, dok je 10,6% ispitanika rekli da je jedan od motiva vakcinisanja zahtjev poslodavca i očuvanje radnog mjesta.

Motivi koji su da se stanovništvo Brčko distrikta ne vakciniše su takvi da je najviše ispitanika izjavilo da vakcine nisu prošle sve zakonske regulative i to je izjavilo 67,5% ispitanika, da nemaju povjerenja u farmaceutsku industriju je izjavilo 43,9% ispitanika, da COVID-19 virus nije opasan je izjavilo 11,5% ispitanika, da Korona ne postoji da je to obična gripa izjavilo je 9,9% ispitanika, dok je 7,6% ispitanika izjavilo da sastav vakcine se protivi etičkim i vjerskim principima.

Na pitanje koje izvore informisanja koristiti stanovništvo da se upoznaju sa zdravstvenim implikacijama vakcine (slika 2) su dobijeni takvi podaci da najviše ispitanika prati medije i informativne portale i to 47% ispitanika, 46,5% ispitanika poštuje preporuke ljekara, 46,2% ispitanika prate obrazovne i edukativne emisije, 26,9% ispitanika informacije o implikacijama vakcine dobija putem društvenih mreža, dok najmanji procenat ispitanika njih 22,5% koristi naučne knjige i radove odnosno naučna istraživanja.

Slika 2. Rezultati upoznavanja stanovništva sa implikacijama vakcine



Na pitanje koja bi vakcina bila vaš lični izbor dobiveni su rezultati koji su predstavljeni na slici 3. Najviše ispitanika bi primilo vakcinu Sputnik V i to 56,1% ispitanika, potom slijedi vakcina Pfizer-BioNTech koju bi primilo 43,8% ispitanika, nakon toga slijedi Sinovac koju bi primilo 26,1% ispitanika, dok bi 13,2% ispitanika primilo Moderna dok bi 10,4% ispitanika primilo vakcinu Oxford-AstraZeneca.

Slika 3. Rezultati o ličnom izboru vakcine koju bi primilo stanovništvo Brčko distrikta BiH

